

Say Panagdayew ya Aawaten na Dios (Part 1)

Base ed kapitulo 15 na libron *Anto so Peteg ya Ibabangat na Biblia?* ya available ed jw.org/pag.

GAGALA: Usisaen no anto so papanisiaan mo tan no akin, nengnengen no antoy ibabangat na Biblia, tan amtaen no panon mon ipaliwawa ed arum iray papanisiaan mo.



KASIN AAWATEN NA DIOS SO AMIN A RELIHYON?

1 USISAEN IRAY PAPANISIAAN MO

Akin et nayaran ibaga na arum ya on?

Akin et nayaran ibaga na arum ya andi?

Antoy papanisiaan *mo*?

Akin ya papanisiaan mo itan?

2

NENGNENGEN NO ANTOY IBABANGAT NA BIBLIA


Nepeg tayon dayewen so Dios diad paraan ya aawaten to.
(Nengnengen so kapitulo 15 na libron *Ibabangat na Biblia*, parapo 1-4.)

Basaen so Mateo 7:21-23.

Akin et imbaga nen Jesus ya kulang so basta *pangibaga* ya manisia tayo ed sikato odino ed Ama to?

Basaen so Mateo 7:13, 14.

Akin et agtayo pankelawan ya dakdakel so totoon agni akaromog ed tuan relihyon?



No kabisadom lay itsura na tunay ya kuarta, mainomay mo lan ibiig so peke. Mipadpara, no amta tayo lan ibiig so tuan relihyon, mainomay tayo lan ibiig so palso

Nabirbir so tuan relihyon diad saray papanisiaan tan kagagawa na membro to.

(Nengnengen so kapitulo 15 na libron *Ibabangat na Biblia*, parapo 5-14.)

Basaen so Salmo 83:18, Mateo 20:28, tan 2 Timoteo 3:16, 17.

Antoy papanisiaan na saray tuan Kristiano tungkol ed Dios, si Jesus, tan say Biblia?

Basaen so Mateo 24:14, Marcos 12:17, tan Juan 13:35.

Panon ya ipapanengneng na totoo na Dios iray pakabirbiran na tuan relihyon diad inagew-agew a bilay da?

Antoy akakombinse ed *sika* ya Saray Tasi nen Jehova so tuan relihyon?

3

IPALIWAWAM IRAY PAPANISIAAN MO

NO WALAY MANGIBAGAN...

Walay maong ed amin ya relihyon.

NAYARIN IBAGAM...

On, tua ya wala ray maong ya *totoo* ed amin ya relihyon. Balet manisia ak ya saksakey so relihyon ya aawaten na Dios ta...

Anton teksto so nayarim ya basaen ed sikato?

No ontan so opinyon to, panon mon ipaliwawa itan ya teksto?

NO WALAY MANGIBAGAN...

Dakdakel so membro na relihyon mi. Imposible ya aliwa kamin amin.

NAYARIN IBAGAM...

Nayarin ontan met so ibabaga na dakel ya *totoo*. Balet aliwan ontan so papanisiaan ko ta...

Anton teksto so nayarim ya basaen ed sikato?

No ontan so opinyon to, panon mon ipaliwawa itan ya teksto?
